

ATA MAS PA BO SA MAS..

Fotos y Texto: Jan Poets.

DEN AMBIENTE



**** Nos orguyo musico internacional Hildward Croes actualmente ta den un gira sumamente exitoso na Colombia hunto cu Chichi Peralta y Son Familia..**

****** Mi gentenan que tal? con cos ta bisa?, sperando cu tur cos ta "neches neches". Ata nos un biaha mas riba diasabra, e dia cu bo no por perde di lesa bo DEN AMBIENTE y ATA MAS PA BO SA MAS.

****** Awe diasabra manera bo sa caba cu lo bay tuma lugar e grandioso festival di musica mexicana, na unda 31 cantante Arubano lo bay competi pa sa cua di nan lo bay representa Aruba den luna di oktober na Curacao. Esaki ta di 19 aña cu e festival aki ta ser organiza. E ta un incansable tras di e festival i ta Shon Pa Kelly, kende a declara na DEN AMBIENTE cu pa otro aña por spera un celebracion di 20 aña hamas visto. Ta ser papia di presencia di un artista famoso for di Mexico.

****** Hopi great tabata e show di Pierewietje y Flash siman pasa den Cas di Cultura. Nos muchanan den compania di nan mayornan a goza sin fin y a celebra conhuntamente e di 20 aña di nan existencia. Loke si mester bisa cu a spera un sala mucho mas bishita. Ta di spera cu tanto awe y mayan Cas di Cultura no tin lugar pa pone hende. Ban mira mayornan, hiba bo yiu bay diverti pasobra e merece y nos artistanan di Pierewietje y Flash tambe merece un sala yen yen.

****** Durante e show di Pierewietje y Flash, DEN AMBIENTE a topa cu Wander Gross, popular bailarin di Popcorndancers y tambe tremendo futbolista di Dakota. Por a compronde for di Wander Gross cu muy pronto e lo bay residencia na Hulanda. E tin un meta masha grandi mes pa bay cumpli na madre patria. Esaki ta nifica tambe cu Popcorndancers y Dakota a perde un miembro sumamente valioso. DEN AMBIENTE ta desea Wander Gross tur clase di exito na madre patria.

****** Kedando un poco na Hulanda, otro siman campeonato mundial di futbol ta cuminsa. E biaha aki e equipo di Hulanda ta muestra un equipo super stabil pa bay cu e titulo. Ayera nan a impresiona masha hopi mes derotando e equipo di Nigeria. Awor ta di sinta warda ora e bala cuminsa lora mes durante e campeonato mundial y aki lo bay mira si ta berdad cu Hulanda lo bay bira campeon mundial pa prome biaha den historia..

****** Tur cos ta muestra cu e fiesta di "Fathers" den City One lo bay bira un di e fiestan hamas visto aki na Aruba. Por a compronde for di Claudius Philips cu pa e anochi aki e lo bin cu un repertorio den estilo di sixty's & seventy's. Di



**** "The Three Voices" lo ta na Aruba dia 20 di Juni den City One hunto cu nan amigonan di tur tempo "The Strangers" y tambe Claudius & OREO, kende a declara cu e lo bin cu un repertorio special pa e anochi aki. "The Three Voices" lo ta na Aruba cu nan banda completo..**

otro banda "The Strangers" ta ensayando un repertorio especialmente pa tur e tatanan. "The Three Voices & Company" a keda masha contento ora nan a tende cu nan lo bay presenta hunto cu nan amigonan di tur tempo esta "The Strangers" y a laga sa cu esaki kiermeen cu nan mester bin extra duro pa tanto Claudius & OREO y "The Strangers".


****** Ayera nos a tuma contacto cu Hildward Croes for di Cali, Colombia, kende a duna nos di conoce cu e concierto na Medellin tabata un exito rotundo. Un publico mas cu 25 mil persona a goza te bay off riba e ritmo contagioso di Chichi Peralta y Son Familia. E prome banda cu a habri e anochi aki tabata e popular grupo Alquimia, sigui pa Gilberto Santa Rosa, pa despues Chichi Peralta clausura e anochi grandi aki den un broche de oro. Hildward Croes tabata hopi satisfecho y a declara cu enberdich Chichi Peralta ta hopi

gusta na Colombia. Pa e concierto di ayeranochi na Cali, Hildward a declara cu espectativanan ta hopi grandi. Awe diasabra Chichi Peralta y Son Famia lo ta na Bogota y otro siman e gira lo continua na Barranquilla, Cartagena y Santa Martha. Awe durante e programa "Show di Poets" na Cristal FM entre 12'or pa 3'or di atardi, Hildward Croes lo ta den un entrevista en bibo for di Bogota, Colombia..

****** For di DJ Alaha cu ta manager di BMW, nos a ser informa cu Master Gusto lo ta bek den auto di BMW. Por a compronde for di Dj Alaha cu awor BMW a haya su simonize bek, BMW lo bay lombra mas "loeis cu loeis". Por spera un BMW riba un speed halto halto den e temporada di vakantie.

****** For di Janiro Eisdien di BASIC ONE, nos a ser informa cu nan lo ta na Curacao den e luna aki riba invitacion di Gibi y Orquesta pa nan cele-

bracion di prome lustro. Nan presentacion lo ser graba riba un produccion live. Tambe



**** MASTER GUSTO lo ta bek den su auto BMW..**

nan tin hopi proyecto pa e aña aki, cual lo ser divulga na su debido tempo aki den bo seccion farandulero mas lesa na Aruba.

****** Otro siman Claudius & OREO lo ta na Curacao, na unda nan tambe lo ta formando parti di e celebracion di e prome lustro di Gibi y Orquesta. Diabierna anochi nan lo ta den Landhuis Brievengat, diasabra hunto cu Gibi y Orquesta den Facade y diadomingo anochi nan lo ta bek den nan Happy Our Cas..City One..

****** The Creators tambe lo ta na Curacao dia 28 di Juni proximo. Nan lo presenta durante e "Reggae Sunsplash" cual lo cuminsa dia 26 di Juni. Pa otro siman nos lo ta mas amplio. .



**** DEN AMBIENTE su fiel lectoran, cu nunca no ta perde pa lesa nan seccion farandulero mas gusta. Awe nan mes ta DEN AMBIENTE ta wak nan mes**